

BEBA IN KAJINET IKIJEN COVID-19 ÑAN IEN EO KEIN 1, OKTAK KO ILO IEN EO KEIN 1, IM IEN EO KEIN 2 ÑAN ONER RO AN BIJNEJ KO

Ilo beba in, kwōnaj loe juon laajrak in aoleben men ko remelim ñan an bijnej ko bar belok iomwin kōtobar eo an Washington's Safe Start. Kwōnaj bar loe mennin aikuj ko ikijen ejmour im kejbarok rebed iomwin wewein kōmadmōd ko an ejmour im kejbarok.

Kememej bwe aoleb bijnej ko emoj kar kalikar ke rej lelok mennin aikuj ak emoj kar kōmelim aer belok rejab koba ilo beba in. Kwōnaj loe laajrak in bijnej ko raikuj belok ijin.

Kwōnaj loe ijin laajrak in lal ekkar ñan ien eo rebed ie. Iomwin Proclamation 20-25.4, jet bijnet ko remaron moktaj lok aer belok ilo ien eo kein 1 emoj janiji. Bōtab, jet lal emoj aer kaju ñan ien eo 2. Innem, beba in ej lewaj melele kin ien eo kein 1, oktak ko ilo ien kein 1, im ien eo kein 2, jekdron ñe kakien ko rej einwot ilo ien kein 1 im ien kein 2.

BIJNEJ KO EKKAR ÑAN IEN

KOKAL

Kōkal ekoba em ko an bijnej, em in jokwe an armij, im men ko emoj kōkal ilo melan ko. Kōkal ebar koba kōmanmanlok men ko rejorren ak remor, kōmman oktak, im kōkkaal.

Ekal ko emoj kar kōmelim moktalok ekoba jabdrewot ekal ilo em ko kōjerbali ñan bijnej ko raurok ñan mour, public work (einwot dren im jarom), im moko mwon kien ñan ro edrik wonneir; im jerbal ko aikuj ñan kejbarok jokbej, kōmman jorren, ak jiban ikijen kauwotata.

Ekal ko ekaal im emoj kōmelim ekoba elōñ ekal in mwon jokwe an armij im aoleb ekal in bijnej ko rejab mennin aikuj ñan mour.

Ien 1 – Burojeek in ekal ko emoj aer jutak im rar jab kōmelim moktalok remaron jino ekal. Ñan am maron “emoj am kar jutak,” burojeek eo aikuj kar moj an wor an kōmelim ak bed iomwin koontrak.

Ien 1 im Ien 2 emoj kar kōmman oktak – Aoleb ekal ko remaron jinoe.

JERBAL IN JIBAN KIN KABEL IN JERBAL KO

Jerbal in jiban kin jerbal kabel ko ekoba ribōnōbōn, loar ro, rijina in ekal ro (architect), engineer ro, ro rej rōjañ ikijen jaan, ro ewor aer kabel kin kein jerbal kabel ko, rijerbal ro an jikin joortoklik ko, rijerbal ro rej kebooj beba in eowoj, im jerbal ko jet an obij ko ekkā aer lelok jiban ñan armij.

Ien 2 – Aoleb jerbal kabel ko rar jab kōmelim mokta lok ak kalikar ke rej mennin aurok ñan mour emoj kōmelim aer bar jino kōmadmōd.

JERBAL KO REJ LELOK JIBAN KO ILOAN MWON JOKWE

Jerbal ko rej lelok jiban iloan mwon jokwe ekoba kajojo in armij ro rej lelok jiban ilo mwon jokwe einwot rikōkkajiriri, rikarreo em, rikōmat mona, im manija in moko. Ejab koba rikat, im emoj aer drelon iomwin kakien ko an kejbarok melan im ijoko naboj, ak rijerbal in ejmour ro rej bed mwon jokwe ko.

Ien 2 – Jerbal in jiban iloan mwon jokwe remaron bar jinoe.

JERBAL KO REJ LELOK JIBAN ÑAN KAOJO ARMIIJ

Jerbal ko rej lelok jiban ñan kajojo armij ej ro rej kōmman kein make up (cosmetologists), rikōmman bar, mwijbar, karreo mej, rikōmman akiin ba im ne, rijerbal in mwon aki ko, ro rej kōmman iturin mejen armij kin kein jarom (electrologists), ro rej jiña ak eo makeup, im rieo ro.

Ien 1 emoj kōmman oktak – Jerbal in jiban ko ñan kajojo armij remaron jinoe ilo an em eo obrak wot kin 25 bujeen armij iloan.

Ien 2 – Jerbal in jiban ko ñan kajojo armij remaron jinoe kin an obrak kin 50% bujeen armij iloan.

RIJERBAL RO REJ JERBAL NABOJ IM EKAT IM KEJBAROK

Rijerbal ro rej jerbal naboj in ekat im kejbarok ekoba ro rar ekat wut, kejbarok wujoj im wojke, karreo winto, jerbal ioon em, im manman kij im loñ ko naboj, im makitkit ko jet einwot men kein.

Ien 1 – Aoleb rijerbal in ekat im kejbarok ko rej kōmman naboj remaron bar jinoe.

JIKIN MONA KO (RESTAURANT)

Jikin mona ko ekoba jino ko kwōj mona iloan, jikin ko emōkaj aer lewaj mona, jikin mona ko ilo wa, im jikin ko jet rej komman mona, ekoba bōtab ejab bōjrak wot kin, jikin mona ko ilo hotel im jikin jerbal ko; mwon kobe ko (cafē), jikin ko rej kōmman juice, im bijnej ko jet rej lelok dren ko ejellok arkool; jikin kōmman bia, em ko rebelok, im bijnej ko jet rej lelok arkool jen bato ak kuwaat.

Ien 1 – Emelim jikin ko kwōj bōk mona ko im etal (take out) ak aer bōkwaj mona.

Ien eo kein 1emoj komman oktak – Mona ijoko naboj emaron jinoe ilo an obrak kin 50 bujeen in armij ijo. Enaj wor joñan armij kin lalem ak driklok ilo juon tabol. Ejab melim jijjet ilo jea ko rej einwot bar ko.

Ien 2 – Mona iloan em emaron jino kin an obrak kin 50 bujeen armij ñan joñan mweo. Mona naboj enaj wonmaanlok kin 50 bujeen joñan armij kin joñan jikin eo. Enaj wor joñan armij kin lalem ak driklok ilo juon tabol. Ejab melim jijjet ilo jea ko rej einwot bar ko.

Ien 3 – Mona iloan em im naboj emaron lablok kin 75 bujeen joñan ijoko. Emaron lablok kin 10 armij ak driklok ilo juon tabol. Jijjet ilo jea ko rej einwot bar emaron jino kin 25 bujeen in jikin jijjet ko ewor.

MWON WIA KO

Mwon wia ko ekoba kōmadmōd ko raurok ñan mour einwot mwon wia mona (grocery), supermarket ko, im mwon wia jidrik ko; jet mwon wia in dren in kadōk, mwon wia bōlōk in wojke, im jebaake; im mwon wia an kein ekal em, mwon wia ko an obij, mwon wia ko an kobban wa, mwon wia an mennin mour, mwon wia in kein ekat ko, im mwon wia ko rej wia kin kobban em.

Mwon wia ko ekoba kōmadmōd ko rejab aurok ñan mour einwot mwon wia ko “relab”, mwon wia nuknuk, im kein ikkure rej komman naboj, mwon wia jidrik ko, im jabdrewot jikin ko rej wia kin mweiuk ñan armij.

Ien 1 – mwon wia ko rejab aurok ñan mour remaron jinoe ilo an armij etal in ektak ijoko naboj ak wotar online. Mwon wia ko raurok ñan mour remaron wonmaanlok ilo aer belok kin 30 bujeen in armij iloan ñan joñan mweo.

Ien 1 emoj komman oktak – mwon wia ejab aurok ñan mour emaron jinoe an armij etal kin 15 bujeen in armij iloan ñan joñan mweo. Mwon wia ko raurok ñan mour remaron wonmaanlok kin 30 bujeen in armij iloan ñan joñan mweo.

Ien 2 – aoleb mwon wia remaron wonmaanlok kin 30 bujeen in armij iloan ñan joñan mweo.

JIKIN KO REJ KOMMAN MWEIUK IN WIA

Jikin ko rej komman mweiuk in wia ekoba aoleb kōmadmōd ko rej komman ak karōk mweiuk.

Ien 2 – jikin ko rej komman mweiuk ko rejab aurok ñan mour remaron jinoe.

WIA KIN WA (WA IN IAL AK LOJET)

Wia kin wa in ial ak lojet ekoba wia kin wa, turak, van, im wotbai; ORVs, ATVs, UTVs, im WATVs; ioat ko, pontoon ko, loon ko ewor aer sail, im wa in lojet ko ewor aer injin’ im aoleb wa ko jet ewor aer injin.

Ien 1 – Wia kin wa in ial im lojet emaron jinoe.

BIJNEJ KO JET

Jikin karreo wa – Jikin karreo wa remaron jinoe ilo Ien 1.

Jerbal in jiban an Kien – Jerbal in jiban ko an kien remaron aurok ñan mour im remaron komman kōmadmōd ilo aoleb ien ko, ak ejab aurok ñan mour im remaron jino ilo Ien 3.

Karreo ak kebooj Mennin Mour ko nejin armij – Ien 1 emoj komman oktak, karreo ak kebooj mennin mour ko nejin armij remaron jinoe kin 25 bujeen armij ñan joñan mweo; ilo Ien 2, karreo im kebooj mennin mour emaron lablok kin 50 bujeen armij iloan ñan joñan mweo.

Etetal ibben Mennin Mour ko nejin Armij – etetal ibben mennin mour ko nejin armij emaron jino ilo Ien 1.

Wia Bwidrej im Mwon Armij – wia kin bwidrej im mwon armij rej aurok ñan mour im remaron jinoe ilo aoleb ien ko.

Makitkit in Kalimo ko – Makitkit in kalimo ko ekoba jet makitkit ko remelim ilo Ien 1, im jet rej kōttar ien ko tokelik.

Library ko, Museum, in Tieta ko – Ien 3; library ko remaron jinoe ilo an armij etal im ektak im ekto ilo ijo naboj ilo Ien 2.

MENNIN AIKUJ IKIJEN EJMOUR IM KEJBAROK

Elōñ bijnej ko ewor jejjetin mennin aikuj ko aer. Kwōmaron loe melele ko relablok ikijen mennin aikuj ilo website eo an Governor eo. Im bareinwot, jouj im kebaak website eo an Washington Department of Health ñan melele in kajinet ko relablok ikijen ejmour.

Laajrakin wewein kōmadmōd ko rekkā ñan elōñ bijnej ko ilo beba in:

1. Aoleb bijnej ko ewor aer eddo in lelok juon jikin eo ewor kejbarok im ejmour ekkar ñan kakien ko an state im federal im kakien ko ikijen kejbarok im ejmour kin elōñ mennin kauwotata ilo jikin jerbal ko.
2. Jikin jerbal ko rej aikuj loloorjak an aoleb kōmadmōd ko an bijnej loor aoleb mennin aikuj ko an L&I COVID-19 ñan kejbarok rijerbal ro. Kab Ejejjet:
 - a) Lelok katak ñan rijerbal kin kajin eo elab aer melele kin coronavirus im wewein aer maron bōbrae an ajeded im kakien ko an jikin jerbal eo kin COVID-19.
 - b) Ñan loloorjak an jab driklok jen jiljino ne kōtaan aoleb rijerbal (im customer ro) ilo aoleb ien ko rej bed iturin doon. Ilo ien mo ko ikijen aer ettolok jen doon ejab maron kin juon jejjetin jerbal, ej aikuj wor joñan bōbrae ko jet, einwot kōjerbal men ko rej kōmman kōjenolok, kadriklok rijerbal ak customer ilo jikin ko redrik ak rekiloc, kōmman kōtta ilo ien aer bōk kakkije, im ilo ien aer jino jerbal.
 - c) Lelok ñan rijerbal ro ilo an ejellok wonnen ñan er im menin aikuj bwe ren ekōnak kein kejbarok er make (PPE) einwot kulob in ba, kein binej mejeir einwot google ko, kein kalibobo mejeir einwot face shield im facemask ko einwot an ekkar im aikuj ñan makitkit in jerbal eo rej kommane. Mennin ejab jerbal ñan rijerbal ro rej jerbal iloan moko mwon armij.

Kein binej mej ko rej komman jen nuknuk rijerbal ro rej aikuj kōnaki ilo jikin jerbal ko aer ijenlokin ñe jerbal eo aer ej kwalok elablok aer aikuj kejbarok jen ibben Department of Labor & Industries. Mennin ejab jerbal ñan rijerbal ro rej jerbal make

iar iloan juon obij, wa, ak bar jikin jerbal; elañe rijerbal eo ejaroñroñ ak ebin an roñjak, ek ej leto letak melele kin mejen im loñiin; ak elañe ewor an rijerbal eo nanninmij ak utamwe im ejakkar an ekoñak kein kalbubu mejen.

Lale Mennin Aikuj ko an Kalbubu Mej Im Mask an Coronavirus ñan melele ko relablok. Juon nuknuk kein kalbubu mej emoj kōmelele ilo Department of Health guidance, <https://www.doh.wa.gov/Portals/1/Documents/1600/coronavirus/ClothFacemasks.pdf>

- d) Komman bwe en mennin aikuj an ikut im bwe aer kwal beir im lōloorjak bwe en wor men ko ñan kommane men kein. Kōjerbal kulob in ba ko kwōmaron jolok ilo ien aikuj wor kōjbarok im ekkar ñan bōbrae an ajeded kin kein jerbal im men ko jet ewor armij rej kōjerbali.
 - e) Kommane juon laajrak in karreo ekoba an ikut ien karreo im manman kij ilo an lablok ñan jikin ko elab jibwi.
 - f) Etale rijerbal ro ñan kōkkaale/kakōlkōl in COVID-19 ilo ien aer jino jerbal eo aer. Loloorjarkb bwe rijerbal ro renanninmij ren bed wot moko mweer ak kaju rool ñe rej eñjaak ak ewalok aer nanninmij. Kil jabdrewot jikin ko rijerbal ro remaron ak emoj kamool renanninmij kin COVID-19 rar jerbal ie, jibwi jikin ko, im men ko jet mae ien jikin eo im aoleben kein jerbal ko emoj karreo im manman kij. Loor aoleb melele in kajinet ikijen karreo jen CDC ñan wewein lukkun karreo im manman kij.
 - g) Likit juon bija ilo jikin drelon eo an bijnej bwe en kaju walok kōjella ñan aoleb customer ro rej drelon ke elukkun lab rōjañ bwe customer ro ren ekōnak nuknuk in kalbubu mejeir. Emoj rōjañ bwe aoleb jikin jerbal ko ren kōmman mennin aikuj bwe customer ro ren ekōnak kein kalbubu mejeir bwe ren maron kejbarok rijerbal ro aer.
3. Juon rijerbal emaron makoko in kommane jerbal eo emaron wor jorren, ekoba men ko rekauwotata komman jen COVID-19. Iomwin kakien, jikin jerbal eo ebañ komman jabdrewot wewein ñan rijerbal eo emoj an bōk kwōnaan ilo makitkit ko emoj kejbarok jen jorren im ebed iomwin kakien elane makoko in jerbal eo an armij in enaj ioon jet mennin aikuj ko.

Rijerbal ro renaj kelet in jab bed ilo jikin jerbal eo kinke rejab tomak ekwon ñan jerbal kin aer maron jorren jen COVID-19, remaron bōk jet ien kakkije ko aer ak jiban ikijen bōjrak jerbal (unemployment).

Jikin jerbal ko rej aikuj lelok ñan rijerbal ro elab uwota kin aer maron jorren im emoj aer drelon ilo Proclamation 20-46 ñan aer kelet in bōk kakkije ko remaron bōki ak jiban ikijen bōjrak jerbal (unemployment) elañe juon bar karōk kin wewein aer maron jerbal ejab maron komman.